



## Bases Campamento Deportivo no Verán 2022

### 1. Obxecto

O Concello de Miño pon en marcha o Campamento Deportivo no verán 2022 para fomentar o lecer e promover o deporte entre a xuventude, á vez que promocionar a socialización entre os participantes, axudar a conciliación da vida persoal e familiar tan necesaria nestes momentos de pandemia que vivimos e, por outro lado aproveitarnos dos espazos naturais e públicos para fins deportivos e poder realizar actividades de ocio, natureza e tempo libre aparte das deportivas.

A situación sanitaria que estamos a vivir debido o COVID-19 segue condicionando fortemente o campamento. De tal forma, adoptaranse as medidas oportunas para garantir as condicións sanitarias promovidas desde os órganos competentes.

### 2. Destinatarios

O campamento deportivo está destinado a aquelas nenas e nenos nados entre os anos 2008 e 2014 (ambos inclusive) e que cumpran os seguintes requisitos:

- Empadroados/as no Concello de Miño a 1 de marzo de 2022 ou fillos/as de persoas que acrediten ter un posto de traballo en Miño.

### 3. Descrición do Campamento

#### 3.1. Datas

O campamento divídese en catro quendas, dúas en xullo e dúas en agosto:

- 1ª quenda: do luns 4 ó venres 15 de xullo.
- 2ª quenda: do luns 18 ó venres 29 de xullo.
- 3ª quenda: do luns 1 ó venres 12 de agosto.
- 4ª quenda: do luns 15 ó venres 26 de agosto.

Non habrá xornada de campamento os fins de semana nin os festivos.

#### 3.2. Lugar

O campamento ten como zona de entrega e recollida de participantes o centro socio cultural de Loios. As actividades programadas no campamento evitaran, sempre que a climatoloxía o permita, o pavillón polideportivo ou



calquera outro espazo cerrado, priorizando as actividades ó aire libre nos diferentes espazos naturais e deportivos do municipio.

### 3.3. Prazas

Ofértanse un total de 60 prazas cada quenda, formándose grupos dun máximo de 10 participantes. O mínimo de participantes para por en marcha o campamento son 10 en cada quenda. **As prazas asignaranse por orde de inscrición dando prioridade en primeiro lugar os empadronados en Miño, e en segundo lugar, os fillos/as de persoas que acrediten ter un posto de traballo en Miño.**

Corresponde ó Concello de Miño a realización das agrupacións en base a criterios de estrutura do grupo (idades, horarios, etc.). Os irmáns permaneceran no mesmo grupo salvo desexo expreso contrario a isto dos proxenitores ou titores legais.

### 3.4. Horario

O horario de entrada pode verse modificado de oficio polo Concello de Miño en función das necesidades organizativas dos diferentes grupos, sempre antes do comezo da actividade. Os horarios que se ofrecen son:

- Entrada:
  - o Ás 9:00 h.
  - o Ás 10:00 h.
- Saída:
  - o Ás 14.00 h.

## 4. Preinscrición

O prazo de preinscrición para tódalas quendas é do **MARTES 24 de maio ao DOMINGO 5 de xuño**. De quedaren prazas libres, poderanse inscribir unha vez finalizado o prazo.

A documentación complementaria a presentar por aqueles non empadronados en Miño coa preinscrición e a seguinte:

- Contrato de traballo ou Certificado de empresa especificando o lugar de traballo.

**Presentación telemática na [Sede electrónica](#) do Concello de Miño ou presencial no Rexistro municipal.**



## 5. Publicación da listaxe provisional e listaxe final

O **venres 10 de xuño** publicarase na páxina web do Concello de Miño a listaxe provisional con aqueles solicitantes que aportaron toda a documentación e aqueles os que se lles require. O prazo para alegacións será do sábado 11 ó mércores 15 de xuño ata ás 13.00 h.

- De existir menos solicitudes que prazas, adxudicaranse **directamente a todos aqueles que cumpran os requisitos**.
- De existir máis solicitudes que prazas, adxudicaranse ás prazas por orden de inscrición a aqueles que cumpran os requisitos.

O **luns 20 de xuño**, publicarase a listaxe coa adxudicación de prazas e unha listaxe de reserva.

## 6. Prazo de pago

O custo do Campamento Deportivo réxese por prezo público, sen descontos aplicables. O pago realizarase mediante TPV no propio Concello, auto liquidación, transferencia, ou ingreso bancario en calquera das seguintes contas bancarias, de titularidade municipal.

- ABANCA: ES63-2080-0087-72-3110000015
- BBVA: ES84-0182-4300-74-0000000041
- SANTANDER: ES41-0049-2950-38-1010038930
- LA CAIXA: ES06-2100-6309-98-0200000446

Na transferencia debese indicar claramente: **Campamento deportivo, quenda na que se inscribe, nome e apelidos da/o participante**.

Os prazos para a realización do pago é do 20 de xuño ó 28 de xuño.

Unha vez realizada a transferencia, debese facilitar o xustificante bancario no correo electrónico: [deportes@concellodemino.gal](mailto:deportes@concellodemino.gal) con prazo máximo o 30 de xuño.

**De non entregarse o xustificante bancario conforme o pago correctamente antes do prazo estipulado, implicará a perda da praza no campamento.**

## 7. Renuncia a praza e devolución do importe

Unha vez adxudicadas ás prazas e realizado o pago só se executará a devolución do importe no caso de razón médica debidamente xustificada por informe médico e no caso de producirse antes do comezo da quenda.



Concello de Miño

ÁREA: CULTURA E DEPORTES  
EXPEDIENTE: 2022/D002/000004

No caso de contaxio por COVID-19 e de cancelación do grupo no que se produza, non se devolverá o importe do pago.

No caso dun rebrote e declararse de novo o estado de alarma ou cancelación da actividade por parte dos organismos competentes diferentes ó Concello de Miño non se devolverá o importe do pago das quenda vixente, pero si das quendas que non comezaran.